

宋

會

要

宋會要公主

國朝沿漢唐故事皇祖姑皇姑為大長公主皇姊妹為長公主皇女為公主所封或以國名或以郡名或以美名亦有以縣為名者初封多擇美名進封乃以郡國名至特恩始有兼兩國者初降月俸百五十千遇恩慶稍增至二百千至道宗復益至三百千自是封祀行慶唯褒進崇號及易國封明道以後累增獻穆大長公主俸月三千緡後遂著例云至崇寧初燕國大長公主進封秦魏兩國始詔月給外更增二千千政和三年詔改公主為帝姬其稱大長者依舊為大長帝姬仍以美名二字易其國號內兩國者以四字建炎元年六月六日臣僚

上言本朝制度多循用前代故事皇女稱公主姊妹稱長公主諸姑稱大長公主近年一例改作帝姬臣嘗思之進退無據亦有妨嫌古者婦人稱姓故周王姬猶宋子齊姜之類是也本朝實為高後非姬姓也不可以為稱明矣或者以謂非姓氏之姬乃姬侍之姬此尤不可者豈有至尊之女而下稱姬侍乎若以避忌主字因有改易曾不知字有體用義不相干天子嫁女不自主婚以同姓諸侯主之故稱公主諸侯則自主婚故漢制諸侯之女稱翁主言乃翁自主之也此主字則主簿主書之主非國主家主之主也况主字不當避忌往者凡是主字一切除去是以民間有無主之說又言姬者飢也

亦用度不足之識自秦稱皇帝以來未嘗獨以帝為稱
號惟有配謚稱帝一事而已蓋取諸禮書措之廟立之
主曰帝也今以帝為稱號委合忌諱望改正依祖宗故
事從之徽宗政和三年閏四月六日內出手詔曰比覽
神考實錄在熙寧初有釐改公主郡縣主稱名當時羣
臣不克奉承以至今日近命有司祇若先志循沿既久
莫能董正稽考前世周稱王姬見於詩雅姬雖周姓考
古立制宜莫如周今帝天下而以主封臣可改公主為
帝姬郡主為宗姬縣主為族姬其稱大長若可並依舊
為大長帝姬仍以美名二字易其國號內兩國者以四
字 八月九日尚書吏部言奉手詔郡主改為宗姬縣

主改為族姬緣未有大長帝姬女郡主改換名稱詔帝
姬女已封郡主者並換郡夫人其恩數依舊宣和五年

三月三日車駕幸賢德懿行大長帝姬宅澆奠靖康元

年正月四日詔罷帝姬宅教授

未見初

國朝公主受封

降制有冊命之文多不行禮只以綸告進內至嘉祐始

備冊禮 仁宗嘉祐二年六月二十三日制福康公主

進封充國公主仍令所司備禮冊命二十八日命叅知

政事王堯臣充冊使樞密副使田况充副使端明殿學

士翰林侍讀學士龍圖閣學士李淑撰冊文并書印七

月二十三日內降充國公主冊印率百官班文德

殿行禮其儀前一日守宮設宰臣樞密使應内外文武

百僚次於朝堂所司奉公主冊印先進入內是日宰臣
率文武百僚並常服早入次禮官通事舍人先引中書
令侍中門下侍郎及奉冊印官冊印每案四人對并
捧中書門下奏差
執事人等並詣垂拱殿門就次應行官並奉冊印官並
常服應事人降衣介幘
以俟侍內中降冊禮官通事舍人分引宰臣樞密使冊印
使副文武百僚入文德殿庭立班東西相向北上立定
內臣二員自內中承旨降冊印率執事者以捧冊印出
垂拱殿其捧冊印官俱播笏率執事人導中書侍郎押
冊其中書令後從門下侍郎押冊侍中後從援衛如儀
由東上閣門出至文德殿庭權置援衛人等禮官通事
舍人引使副就成制位立定次引侍中於使前西向稱

有制典儀曰再拜贊者承傳使副應在位官皆再拜訖
宣曰福康公主進封充國公主命公等持節展禮宣訖
使副再拜侍中還位門下侍郎帥主節者詣使東北主
節者以節授門下侍郎門下侍郎執節授冊使跪受興
付主節幡隨節立於使左次引中書令侍中詣冊印東
北西向立中書侍郎引冊案立於中書令之右中書令
取冊授冊使跪受興置於案冊文曰皇帝若曰二姓合
好肇正人倫諸女畢封著於典冊風化自出物采有庸
惟皇度衷稽諗故實揆吉釐降錫命是彝咨爾長女福
康公主慧晤哲溫柔嘉敏達風憑詒翼之慶祇蹈婉和
之箴徽智天成韶華日茂邇昨國邑期之壽康而耿亮

自持莊靜逾格肅侍左右勤孝盡恭承顏愿色純至非
勉實繁能養乃底燕寧朕緬慕先慈參詢福禍謀及外
黨得茲善逆枚卜休辰甲寵褒數益地廣魯龜蒙之疆
公主主欽率由舊準今遣使戶部侍郎恭知政事王堯
臣副使樞密副使禮部侍郎田况持節冊命爾為充國
公主爾其欽師內範輝敷令猷動監圖史之規時稟紳
禱之戒懋爾德慎爾止尚服祖宗之攸訓永泯患聲不
其猗欤 中書令與中書侍郎退復本班又門下侍郎
引印案於侍中之右侍中跪取印以授冊使冊使跪受
興置於案侍中與門下侍郎俱退復本位立定典禮曰
再拜贊者承傳冊使副應在位文武官皆再拜訖禮官

通事舍人引使副押冊印持節者前導捧冊印官捧昇
援衛如式以次出朝堂門由殿西過至殿後門出由宣
祐門至內東門附內臣入進有司先設冊使等幕次於
內東門外內命婦次於公主本位門之外公主授冊印
位於本位庭階下北向又設冊使位於內東門副使及
內給事於其南差退並東向設冊印案位於冊使之前
南向內給事位於冊使北南向自文德殿奉冊印將至
內東門內給事詣本位請公主服首飾榆翟冊印至內
東門外褥位置訖捧冊官少退內臣引內命婦俱入就
位禮直官引冊使副等俱就東向位立定內給事進就
南向位通事舍人博士引冊使就內給事前東向躬稱

冊使某副使某奉制捧公主冊印退復位內給事入詣
所設受冊印本位公主前言訖退興內給事進詣冊使
前西向冊使跪以冊印授內給事內給事亦跪以授內
謁者冊使退復位內謁者及主當內臣等特冊印入內
東門內給事從入詣本位庭又內給事贊公主降詣庭
中北向立定跪取冊興立於公主之右少前西向又
內給事立於公主之左少前東向又內給事稱有制內
給事贊公主再拜訖內給事捧冊跪授公主公主受以
授內給事捧印授公主如捧冊之儀內給事贊公主再
拜前引公主升位以次內臣引內命婦賀內給事贊言
禮畢內命婦退遂引公主謝皇帝后一如內中之儀禮

畢羣臣進名賀其冊印如貴妃有匣文曰充國公主之
印遂為定制神宗進封邠國大長公主魯國公主皆請
免冊禮止進內入內云

宋會要

駙馬都尉初謝選尚者必召見賜衣一襲

紅羅盤金銀線或銷金

玉帶一象笏一烏皮鞋一紅羅_百塗金銀倒仙花鞍轡

馬一_枝 毛坐辦謂之紫親又賜銀萬兩令辦_聘贖財其進

財用函書 玄纁五 錦三五色羅綾十押函馬二羊百

口酒_瓶紅綾絹_匹三百花_{二十}翠_又烟脂粉_{二十}盃果_{二十}

銀果_枝百臘面茶_斤二百眠羊卧鹿花餅_{二十}金銀勝_合百

羅畫勝_合百銀錢_{二十}兩頭項紅羅_匹金釵釧_十金纏

繡被	五十	檮蒲子	散子	各一	馬	十五	尺玉	雲鶴	徽	星	靴	各										
圖	鄣	仰	額	壁	柱	牀	衣	二	百	竹	物	五	百	緋	羅	繡	畫	銀	泥	帳	幔	
四	十	盤	合	銀	埴	器	二	百	又	漆	器	五	百	緋	羅	繡	畫	銀	泥	帳	幔	
果	二	十	金	器	百	兩	銀	器	萬	四	錦	綺	羅	綾	紗	縠	絹	六	十	錢		
六	十	雜	花	六	十	烟	脂	粉	百	蠟	燭	條	三	百	乳	香	斤	小	色	金	銀	
五	十	襲	入	散	衣	十	三	十	事	鞋	真	珠	戎	裝	塗	金	銀	勝	百			
頭	六	金	釵	釧	十	金	纏	副	二	綴	珠	銷	金	貼	金	戴	金	生	色	繡	素	衣
房	用	真	珠	琥	珀	水	精	玉	七	寶	瓔	珞	瓏	總	釵	朵	百	共	三	冠	朵	
殼	四	塗	金	銀	器	兩	千	生	綾	匹	二十	錢	二	千	金	合	二	百	重	三	飾	
耳	鐙	十	副	緞	珠	銷	金	盤	金	線	繡	畫	衣	二十	錦	綺	羅	綾	紗			
二	真	珠	翠	毛	玉	釵	朵	六	真	珠	琥	珀	玉	水	精	瓔	珞	項	五	面	花	

一副錦綾
十一副
又從人
玉粧
靴代
銀各
三百
兩一
從人
並有
司供
解營
真珠

翠毛冠朵
六
十
真珠
琥珀
水精
環珞
項玉
篔簹
釧
三十
面

花箱
三十
耳環
三十
燕脂
粉
盃
三百
緞珠
銷金
衣
二十
襲
又

百七十
金器
兩
銀器
千
四百
兩
出降
日
駙馬
家來
迎音

賜衣著
百匹
銀器
百
兩
牽籠
官
十二
座車
乘一

塗金銀
裝簷
子
十
兩
檐子
官
十三
牽籠
官
十二
座車
乘一

人給方
團扇
八
行坐
郵
四
花
二十
燭
籠
二十
戴賢
釵
插童

子八前
導就第
之
勝
又
引
金
明
漲
工
案
圖
賜
有
園
林

其日見
諸親如
常禮
凡
駙
馬
兄
皆
冠
衣
一
襲
手
兒
名
款

一襲手
兒名
款
粉
三
盃
香
豆
三百
匹
銀
器
二
百
兩
神
寬
衣

弟妹
於
衣
着
五
十
匹
銀
器
五
十
兩
軍
又
賜
宰
臣
親
王
樞
密
參
知
政

所小
底
諸
色
人
衣
着
百
匹
軍
又
賜
宰
臣
親
王
樞
密
參
知
政

事兩制侍從內職閭門祇候以上諸軍副指揮使以上
金銀錢勝包子各有差

宋會要

建隆三年四月追封陳國長公主元符三年三月改封
荆國大長公主政和四年十二月追封恭獻大長帝姬
秦國大長公主

太祖向母孫
陸國長公主
建隆元年
封恭獻大長
真宗追封
大長公主
元符三年改秦
國政和四年改
封恭獻大長
帝姬
太祖女

元符三年三月追封申國大長公主政和四年十二月
改封安惠大長帝姬 成國大長公主
元符三年三月追封成國大長公主政和四年十二月
改封顯惠大長帝姬 永國大長公主
元符三年三月追封永國大長公主政和四年十二月

魯國大長公主

開元三年封延

慶降右衛將軍

石保吉太宗所

任進封許國

馮化元年改晉

國至道三年改

月進長公主大

中祥符二年

進大長公主襲

賜謚賢靖元

符三年三月改

封魯國政和

四年十二月改賢

肅大長帝姬

陳國大長公主

改封宣惠大長帝姬 魏國長公主開元三年封昭慶降左衛

真宗咸平四年閏十二月六日增秦國長公主月俸厨

料米麥各三十斛自王承衍卒主家供億稍闕故令增

給六年十二月三日秦國大長公主為子六宅使世隆

求近州刺史帝曰牧守之任繫朝廷公議不許景德五

年閏十月八日帝謂軍臣曰頃聞鄭國長公主肩輿之

出民有犯其前導者即捕笞之朕頃在東宮有犯第委

之府縣未嘗轍自笞掠宜令開封府自今如此類未得

次罰其具名以聞諸宅勾當使臣嚴行禁約

開寶五年七月封永慶降右衛將軍魏咸信九年十月

進封號國馮化元年正月改齊國至道三年五月進封

肅大長公主改和四年十月改賢肅大

許國長公主咸平二年四月薨賜謚貞惠乾興元年五月以舊謚上字同仁宗廟諱改謚恭惠景祐三年二月進封大長公主元符三年三月改封陳國政和四年十二月改封賢惠大長帝姬太宗七女 滕國大長公主

宋會要

滕國大長公主元符三年三月追封滕國大長公主政和四年十二月改封和慶大長帝姬 徐國大長公主

宋會要

太平興國九年正月封蔡國二月降左衛將軍吳元稹淳化元年正月改封魏國十月薨賜謚英惠至道三年六月追封燕國長公主景祐三年二月追封大長公主

元符三年三月改封徐國政和四年十二月改封英惠
大長帝姬 太平興國九年二月二十五日蔡國公主
出降英元宸皇后奉宮闈掌事者送至第外命婦咸從
元宸兄元載任諸衛將軍奉朝請帝令公主拜之公主
太宗之愛女也翌日帝謂軍臣曰前代以來皇子娶婦
皇女出降固自有典禮迺為奢僭豈所宜也唐太平公
主置邑司備官屬咸通同昌恩澤隆厚不可勝言懿宗
惑於邪說窮奢極侈侍朕所鄙而不取者當令禮官傳
士叅酌奢儉之宜著為永制以示後世 邠國大長公
主太平興國七年為尼號貞壽八年平山道三年二月封曹國公主

楊國大長公主至道三年五月封宣慈長公主咸平五

魯國長
公主
堯真宗上

雍國大
長公主

年五月進封魯國降左衛將軍柴宗慶大中祥符二年
正月改韓國四年七月改魏國六年正月改徐國天禧
三年八月改福國乾興元年二月進封鄧國大長公主
明道二年七月堯追封晉國一作魏國賜諡一作純美和靖元符三年三月
改封揚國政和四年十二月改封和靖大長帝姬真宗
景德元年二月二十一日鎮寧軍節度使柴尚錫自陝
府召赴闕以其子宗慶尚魯國長公主持詔長公主就
第謁尚錫以舅姑之禮尚錫固辭不得請貢名馬稱謝

宋會要

至道三年五月封賢懿長公主咸平六年二月降右衛
衛將軍王貽永進封鄭國景德元年四月堯賜諡懿順

景祐三年二月追封大長公主皇祐三年七月追封韓
國元符三年三月改封雍國政和四年十二月改封懿
順大長帝姬 衛國大長公主

至道三年五月封壽昌長公主大中祥符二年正月進
封陳國改封吳國號報慈正覺大師名清裕四年七月
改楚國六年正月改邠國天禧二年八月改建國乾興
元年二月封中國大長公主天聖二年五月薨賜謚慈
明元符三年三月改封衛國政和四年十二月改封慈
明大長帝姬 大中祥符二年十一月二十一日制以
皇第七^妹陳國長公主進封吳國賜號報慈正覺大師
賜紫法名清裕令所司擇日備禮冊命帝將賜主師號

及紫衣問宰相當降制否王旦等言降旨有故事但宣於正衙則非宜帝曰進封大國因而降旨可乎旦等曰可又賜所居院名曰崇真資聖與師名並以四字為稱二十五日命入內高品二人勾當崇真資聖院事昭宣使劉承珪提舉并主門外事凡祇應人請給並依親王宮例主將入院帝召而誨以居院宜先清肅內外勿受請託勿與諸尼女冠往還等數事又手記其大要以賜之出所記以示宰相曰諸妹出降者朕教以婦道而已今主出家自主院事須為備言先一日又幸其院命諸主並送之賜會作樂宿於院中又詔諸闈黎授戒後欲到院者遇主生日許臘高者一人到院

福康公主
崇慶公主

昇國大長公主初入道明道二年十一月進封衛國長
公主號清虛靈照大師名志冲慶歷七年五月堯追封
魯國賜謚昭懷元符三年三月改封昇國大長公主政
和四年十二月改封昭懷大長帝姬 仁宗十三女
仁宗寶元二年九月十一日制皇長女封福康公主皇
次女封崇慶公主只進綸告不行冊命之禮先是內降
劉子皇長女次女未有美稱令檢尋故事於美名中點
定二名令王宗道王洙檢討故事以開宗道洙言懿唐
會要凡公主封有以國名郡名有以美名惟唐明皇女
皆以美名封之若永穆常芬唐昌太華皆是唐太宗女
晉陽公主幼而太宗親加鞠養此則幼在宮中已有晉

陽之號乃下是命嘉祐二年六月二十二日太常禮院
言檢詳公主禮衣合用內外命婦一品服詔依定到制
度二十三日少府監言修制充國公主出降法物內有
入馬地莊舍頭口等不係修製乞下合屬去處馬二十
足牛二十頭駝二頭羊二百口地五十頃莊舍三區奴
婢十房給使二人食手四人太常禮院言上件名色不
類當時制度欲乞更不供應詔三司文院檢詳舊例以
開文院言檢詳並
無依例詔依司
朝舊例不給五年十月五日詔充國公主宅自今更
不置都監令入內內侍者選內臣年四十以上三班院
使臣年五十以上無私罪者二人為在宅勾當及選內
臣十五以下者二人為入位祇應並不得與駙馬都尉

接坐著為定制初臺諫官言主第內臣多而不自謹於是都監梁全一朱士安等十人皆被貶逐因省其員數又言究國公主乳母昌黎郡君韓氏出入禁中嘗因公主奏其姪婿于濶為右班殿直典主第服玩器服物而多盜歸私家請下有司推鞠之詔濶降下班殿侍韓削封邑八年五月九日中書門下言請用故事公主并長公主皆賜告罷其冊禮熙寧二年五月二十六日楚國大長公主以同天節合得霞帔乞換翰林醫官賜緋石麟章服許之今後不得為例三年正月九日楚國大長公主薨帝對輔臣涕泣曰公主事神宗至孝命謚曰莊孝仍罷上元朝謁及御樓作樂命輔臣分詣諸神御殿

燒香元豐二年六月二十日詔大長公主下降而薨故
者其子往往已領遙郡惟秦國莊孝大長公主之後未
有顯者皇城使李嗣徽為莊孝之子而能守官自立可
特加榮州刺史徽宗崇寧五年四月七日詔故周國大
長公主諡莊孝可特追封周陳國大長公主以公主乃
欽慈皇后舊恩之家故也政和四年十一月二十七日
建寧軍節度觀察留後李嗣徽言伏觀手詔改公主為
帝姬其稱大長者可並依舊為大長帝姬乃以美名二
字易其國號內兩國者以先妣元係秦魏兩國大長主
諡莊孝准吏部牒並用諡改稱帝姬伏觀故賢懿大長
公主已蒙改封賢懿恭穆大長帝姬是以舊賢懿諡

更將國號易添恭穆二字况先妣元係秦魏兩國止蒙
以元謚莊孝兩字為稱合易兩國美名四字詔莊孝大
長帝姬特加謚莊孝明懿大長帝姬

徐國大長公主寶元二年九月封崇慶慶歷二年五月
薨追封楚國嘉祐四年十二月追封周國治平元年五
月追封唐國長公主元符三年三月改封徐國大長公
主政和四年十二月改封莊和大長帝姬鄧國大長公
主

鄧國大長公主慶歷二年五月封安壽是月薨追封唐
國嘉祐四年十二月追封漢國治平元年五月追封魏
國長公主元符三年三月改封鄧國大長公主政和四

年十二月改封莊順大長帝姬鎮國太長公主

鎮國大長公主慶曆三年封寶和是月薨追封越國嘉祐四年十二月追封秦國治平元年六月追封楚國長公主元符三年三月改封鎮國大長公主政和四年十二月改封莊定大長帝姬

楚國大長公主慶曆三年八月薨追封鄆國嘉祐四年十二月追封魏國治平元年六月追封英國長公主元符三年三月改封楚國大長公主政和四年十二月改封莊禧大長帝姬

商國大長公主慶曆二年八月薨嘉祐四年十二月追封魯國治平元年六月追封陳國長公主元符三年三

月改封商國大長公主政和四年十二月改封莊宣大
長公主 魯國大長公主 魯國大長公主慶歷四年
五月賜號崇因保佑大師名懿安是月薨追封隋國嘉
祐四年十二月追封吳國治平元年六月追封燕國長
公主元符三年三月改封魯國大長公主政和四年十
二月改封莊夷大長帝姬 唐國大長公主 唐國大
長公主慶歷四年十二月賜號保慈崇祐大師名幼悟
五年四月封鄧國是月改齊國落師號尋薨追封韓國
嘉祐四年十二月追封燕國治平元年六月追封秦國
長公主元符三年三月改封唐國大長公主政和四年
十二月改封莊慎大長帝姬

取方平崇全景皇第八女
追封韓國公主石記文

王安石集
馬可一節
移莊儀長
帝推流

政行寫

治平字
皆大字

英宗皇帝龍圖閣直學士
高麗王王宗廟
女周美天妹
秀色龍章素
言慈澤五陵
集福觀開神
宅中疾祠崎
商替惟愛女
履之臨燭特
全之惠仲福
秦會國公王

豫國大長公主嘉祐六年閏八月薨追封楚國王

故第十宜女至親以悼痛之息推先王制禮有尊

之成之宜女至親以悼痛之息推先王制禮有尊

與物化蓋王姬之車服下后祿等而有不視其夫情未正

楚以終天性之愛且元慰幽步之可焉可追治平元六年

公追封和國長公主元祐三年二月改封莊儼大長帝恆豫國大長

八十一

年

英宗四女

魏楚國大長公主

宋會要

荆國大長公主至道三年五月封萬壽長公主大中祥符元年十二月進封脩國降右龍武軍將軍李遵勗四年七月改越國六年正月改宿國天禧三年八月改鄂國乾興元年二月進封冀國大長公主明道元年十一月改魏國皇祐三年六月堯追封齊國賜謚獻穆元符三年三月改封荆國政和四年十二月改封獻穆大長帝姬大中祥符六年正月十九日魏國長公主進封徐國楚國長公主進封邠國越國長公主進封宿國時以聖祖降帝謂宰相曰諸主宜推慶澤而疏封之名已遍大國奈何王旦曰亦有以小國美名升為大國進封者

真宗二女

周陳國大

長公主

元二年封

福康嘉祐

二年進封

兗國降附

馬和封李

璋

帝以為然遂命更封大中祥符八年八月五日命入內副都知張景宗同勾當長公主宅及郡縣主諸院公事初供備庫副使麥守恩管勾至是守恩請以入內都知兼洩其事

惠國大長公主元符三年三月追封惠國大長公主政和四年十二月改封靜一大長帝姬

嘉祐七年三月降沂國十一月復岐國韋驥代劉兵部

賀兗國公主出降出表臣某言伏審六月日內降白

麻福康公主進封兗國出降者禮盛太平焉奕本朝之

事勢禁下嫁光華舊戚之門築館據乎魯經附駢沿於

漢制表正人倫之大藩維帝祚之長四方聞風萬古稱

改封恭孝昭懿

奉在魯國

按宋史
魯國

賢穆亦能大長

以上嘉祐五年

封唐壽進惠

國次平四年五

月進許國表

不之降右領軍

衛大將軍錢

榮璿改韓固

燕國徽言朝

進秦觀而國

改和三年更

封合德星行

慶臣某誠驩誠喜頓首頓首恭惟尊號皇帝陛下荷祖

宗之業挾堯舜之心循降女之前規發慕親之至德賜

公主以充國之號乃陛下愛育之深歸公主於皇舅之

家蓋陛下孝恩之永延寵休於勿絕繼惟好而又新物

儀所稽豐約惟古義評周什車服避至后之尊言採庶

臣資送減先皇之子聖明一舉慈順兩全遠貽史冊之

昭章幽致廟靈之說喜臣限以官守之在遠不獲奔走

闕庭鼓舞稱賀卑情無任瞻天踴躍之至謹差某奉表

以聞

神宗熙寧九年二月十二日中書門下言前詔陳國公

主出降王師約更不升行及令行舅姑之禮今韓國大

臣某頓首頓首

臣某頓首頓首

大長帝姬建

美初禮不主

号改封李魯

國紹興十五年

堯謹明穆二

十九年加謹以

諡

以平四年

身進禁

國大長公

之憲常

三年堯

臣在考

匡封堯

國徽宗

初加周

保國政和

四年十月

名帝姬

卷一百一十八

長公主降錢景臻其見行舅姑禮合依此帝曰大長公主朕宮中每見必拜惟皇太后亦叙姑嫂之儀不可與朕諸妹等也宜止依充國公主降李韓之禮三月一日太常禮院言皇后居父期服韓國大長公主出降日皇后行更不行至第之禮詔賢妃率宮闈掌事送至第外命婦更不從

熙寧九年三月一日制許國大長公主進韓國大長公主令所司備禮冊命三月命樞密副使尚書禮部侍郎王韶為冊禮使樞密直學士起居舍人食書樞密院事曹孝寬為副使翰林學士尚書兵部郎中知制誥鄧綰撰冊文并書篆印四日中書門下言韓國大長公主受

冊法物慮有司趨備繡作不及欲權以錦代從之十四
日內降韓國大長公主用印率臣率百官班文德殿庭
行禮冊文曰皇帝若曰好合二姓人倫所先禮隆諸姑
國典惟舊風化是式品章有異恭稽前猷中錫明命咨
爾許國大長公主仙源流慶寶婺分輝總慧敏明天姿
特異懿柔端靜姆訓弗煩狀仰惟仁祖之慈早厚公宮
之教而乃和順見乎積行教愛稟乎夙成性修而愈循
言謹而無擇爰迨及笄之始載詢卜鳳之祥是用進加
大國之封消選邇辰之吉君袂備物公主主儀諏循舊
章恭酌異數今遣使樞副使尚書禮部侍郎王韶副使
樞密直學士起居舍人簽書樞密院事曾孝寬持節冊

命蘭為韓國大長公主於戲惟順為正式顯燕貽之謀
以貴而行無忘釐隆之義永啟來譽不其美歟

元豐五年正月十日詔韓國大長公主長女錢氏特封
宜春郡主 七年九月二十三日詔以韓國大長公主

長男為莊宅副使賜名忱 紹聖三年閏八月八日尚

書戶部言周國大長公主長女宜春郡主與侍禁盧琬
為親合破諸般請給乞依條施行詔依宗女已嫁郡主

請給外每月更特添料錢二十貫 十二月七日周國

大長公主奏長女宜春郡主與盧琬為親欲依駙馬都
尉王師約王誥女郡主除請給外更支生料錢等從之

五年四月九日三省言周國大長公主奏男西染院

使錢忱年十六乞除一使額赴朝恭詔特遣莊宅使文
州刺史元符三年三月四日詔宗祖諸女並進封其歿
而已封贈者自宣祖諸女而下並復追贈依昭穆序加
長公主大長公主之號 徽宗崇寧元年九月十九日
詔朕恭惟仁宗皇帝以神器大寶屬於英宗保宗社萬
世安固之基為天下得人澤漸夷夏知人睿哲輝煥無
前圖報忱誠不忘寤寐燕國大長公主迺仁宗皇帝愛
女莊靜和懿徽柔惠恭動容周旋率由儀矩秉心淑謹
迪德肅雍不有優異褒嘉何以仰酬盛德疏封兩國超
越典彝典自予懷庸昭施報可特進封秦魏兩國大長
公主 十一月十一日秦魏國大長公主奏近封秦魏

兩國出於陛下親睦之厚乞依親王移鎮例推恩詔與
恩澤三人 二十四日詔秦魏國大長公主第三女錢
氏已與故李瑋男承徽議親特封信都郡主所有請給
祇應人并添賜生料細食等并依長女宜春郡主例施
行十二月二十三日詔秦魏國大長公主除見給外特
增月俸二百千先是長公主月俸千緡至是以始兼
兩國增俸及春冬衣奏薦等 崇寧五年十一月二十
三日詔秦魏國大長公主第五女特封同安郡主第七
女特封齊安郡主第八女特封建安郡主第九女特封
文安郡主 高宗建炎元年六月二十六日詔仁宗皇
帝長女秦魯國大長公主駙馬都尉贈太傅錢景臻忠

臣之後昨緣薨逝一無陳乞今遇登極赦文可與贈太師景臻子仁宗之甥止有忱等今生闕下忱愕元任節度使恧承宣使依祖宗故事並與依舊原任官許持服續詔錢景臻還舊官其環衛官告令吏部拘收毀抹贈太傅依舊錢忱錢愕錢恧並令檢討官討論取旨

二年十月十日秦魯國大長公主奏欲朝見畢詣名山福地燒香從之四年六月五日詔秦魯國大長公主本身請給令所至州軍於諸司錢內應副不足即許截撥上供錢其餘官吏等並依元降指揮施行仍具每月請給名色數目申尚書省內生日支賜并節料之類並權俵支紹興元年五月十七日中侍大夫宣州觀察

使幹辦秦魯國大長公主宅郭永錫奏大長公主孫錢
端英端端端蟻并曾孫錢符並各長立乞依蔭補條格
比附並於大臣內安排兼與勘大長公主孫已有合補
授條格外有曾孫欲乞比附孫男降等補授大長公主
女之子應天府進士王博乞依蔭補條格比附於文臣
內安排司封檢准大觀條特推恩大長公主子莊宅副
使今係武節郎孫東頭供奉官今係從義郎女之夫右
班殿直今係保義郎勘會除有大長公主子孫并女之
子入條格外即無大長公主曾孫比附推恩入官條格
兼自來公主遇大禮合蔭補親屬若換文資者如三代
內曾任朝奉郎以上或身曾預文貢士依條聽於文資

內安排亦無比附蔭補格換文資法詔令吏部依條施行
紹興六年五月九日秦魯國大長公主奏久遠宮
庭今自閩中至信州欲權寄家衢州止帶兒孫赴行在
朝見詔今紹興府居住仰守臣踏逐寺院安泊其朝見
一節候到紹興府具奏聽旨續有詔大長公主遠涉勞
頓可免朝見如有申請事件開具奏聞六月二十六日
秦魯國大長公主奏本宅主管事務武經郎王惻隨逐
有勞乞持令再任尚書省檢會紹興二年十月三日勅
今後除監司沿邊守臣許再任外餘不許仍令御史臺
覺察彈奏詔檢坐已降指揮與照會十一月二十四日
秦魯國長公主第五男武功大夫嘉州防禦使錢愷年

已及格依條例合赴朝參詔許放恭 四年八月二十
六日秦魯國大長公主奏昨於建炎之前首上表奏迎
請皇帝登位未經陳乞推恩重念妾有子二人歷任三
十年並自諸司副使積官至節鉞留務靖康之初槩授
環衛今已九年未還舊秩忱元任檢校少保瀘州軍節
度使充中太一宮使恊元任充山軍承宣使提舉萬壽
觀公事今來乞用前件恩典各與改正元任舊官其請
給見支節度承宣使半俸止乞依舊支破詔秦魯國大
長公主係仁廟之女忱恊特各與改正舊官餘依奏應
威里之家不得援例如違重寘典憲 六年二月十六
日詔差錢恊往台州傳宣撫問秦魯國大長公主并賜

銀合茶藥 七年七月七日秦魯國大長公主乞令錢
忱隨侍暫赴行在所起居詔候至八月起發赴行在所
十月二十三日上諭宰臣曰秦魯國大長公主今日入
內朕以仁宗皇帝之女朕之曾祖姑待遇加禮每入內
朕必迎見先聲喏朕惟仁宗皇帝深仁厚澤涵育海內
大長公主眉壽康彊亦仁宗盛德遺澤之所致閏十月
十九日上曰秦魯國大長公主昨日入謝錢忱除開府
義同三司朕因從容語之曰大長公主壽考如此乃仁
宗皇帝四十二年深仁厚澤天下愛戴鍾慶於長主在
家侍過諸子宜法仁宗之用心須是均一長主曰未嘗
敢不均一也上知恟愷非主所出常偏厚於忱故訓諭

及之 八年閏十月十三日制檢校少保瀘州軍節度使充中太一宮使吳興郡開國公食邑五千五百戶食實封一千五百戶錢忱可特授開府議同三司加食邑五百戶食實封三百戶餘如故 先是秦魯國大長公主奏長子錢忱歷事累朝自任節鉞逮今十有七年欲望優賜推恩詔忱仁宗之甥近隨秦魯國大長公主入覲理宜疏寵以慰其母心令三省樞密院進擬施行故有是命 十二月六日詔錢端禮除直祕閣先次除授差遣續有旨除職指揮更不施行以臣僚言仰惟陛下敦尊祖睦族之義昨以秦魯國大長公主入覲顧屬籍行時無先者乃疏恩其子忱進陞使弼位親公司其儀

物禮秩固已度越異章又又以其子端禮為直祕閣恩寵太過臣切感之端禮未有勞効非所當得傳之四方必有譏議臣嘗聞真宗皇帝謂近臣曰皇諸親為族姻求恩多過有希冀朕念羣臣戮力盡瘁或遠在邊防久歷歲時非功狀顯著未嘗進一資一級此若盡遂其請甚紊公道陳因堯叟等因言如秦國長公主為長子求利史諸子歲改官陛下皆寢其奏中外之人知陛下推公御人不以親疏為異臣又嘗聞神宗皇帝時知諫院楊繪請易向傳範差遣以杜外戚僥求當時執政言傳範累守郡有政績非緣外戚進上曰得諫官如此言甚善可以止異日妄求也而况今日艱難之時所以激勵

多士者職名為重臣願陛下深念祖宗成訓不輕畀付
所有錢端禮直祕閣之命乞賜追寢以塞輿議故有
是命 十年七月十九日秦魯國大長公主秦婁恭聞
皇太后將還宮闕欲與男錢忱暫赴行在起居從之
十二年十一月七日詔秦魯國大長公主男錢愷特落
階官指揮更不施行以臣僚劄子奏陛下敦肺腑之愛
曲徇其欲然事越舊制不可為法錢氏所引乃潘長卿
粹卿之例而潘氏有請緣錢氏啟之於前今各思及其
子不為不均若又從而求之則轉相攀援寧有窮已此
例復開後來者何以拒之伏望宸斷於藝祖之訓劾章
聖之為將錢愷落階官指揮亟賜寢罷自今尚有似此

不應陳乞而陳乞者令臣僚施行庶幾少塞倖門以復
先朝舊制故有是詔 十五年十一月一日詔秦魯國
賢穆大長公主上遺表男降授舒州團練使知閤門事
兼客省四方館事錢愷與叙元官仍轉行一官已有官
孫四人曾孫三人並轉一官未有官孫四人補宣義郎
曾孫三人並補承奉郎女夫魏端臣補忠訓郎愷妻王
氏特封感義郡夫人孫女二人並封恭人元孫祭祖補
承務郎孫女夫劉度補保義郎本宗異姓白身親屬共
與文武恩澤各三人 十五年十月三日少保瀘川
軍節度使充中太一宮使祭國公錢忱奏契勘大長公
主孫女出適白身例封恭人女夫有官人轉一官選人

仁宗女充國
按宋史并祁國

循兩資今賢穆大長公主幼孫恭人錢氏已出適揚存
中長男僕緣用別恩已封恭人欲乞將出過恩例并臣
昨自紹興十三年至二十二年四遇大禮合得陳乞封
邑兩項恩例特與加恩郡夫人楊僕依例與轉行一官
從之

充國大長公主嘉祐六年三月封永壽八年五月進封
榮國長公主治平四年正月進封祁國大長公主熙寧
九年十一月改魯國十二月降左領軍衛大將軍曹詩
元豐六年十二月薨追封荆國賜謚賢懿元符二年追
封秦國元符三年二月追封充國政和四年六月特追
封賢懿恭穆大長帝姬 九年十一月二十一日割祁

國大長公主進封魯國大長公主仍令所司備禮冊命
二十三日詔中書門下昨制命邠國大長公主進封
魯國所有合備典禮累據大長公主面陳欲得免罷可
依所奏更不排辨止進誥入內 十一月二十四日詔
魯國大長公主下降德妃苗氏率宮闈執事人送至私
第外命婦更不從 元豐六年正月十九日詔特以魯
國大長公主男莊宅副使曹暉為右驎副使改為如
京副使陳國長公主男宮苑副使王殊為東染院使崇
儀副使殖為六宅副使衛國長公主男如京副使張秉
淵為莊宅副使 六月五日詔韓國魯國魏國大長公
主陳國衛國長公主宅各差禁軍十人節級一人巡宿

十二月二十四日詔故魯國大長公主自始染疾幹
當本院內殿崇班曹新不以聞降授西頭供奉官特衝
替 紹聖元年八月二日詔將作監修故荆國賢懿大
長公主宅彭臺毋過七十間以主第大中書省為請也

宋會要

燕舒國大長公主嘉祐六年三月封竇壽八年五月進
封順國長公主治平四年正月進封吳國大長公主元
豐五年十二月改魏國是月降開州團練使郭獻卿八
年四月進封楚國元符三年三月改吳國崇寧五年十
二月進封吳越國大觀二年二月改封秦宥國政和二
年正月薨追封燕舒國賜諡懿穆四年正月改封懿穆

英宗四女

親楚國大長公主嘉祐年五月封德寧
治平五年五月進封修國
降左衛將軍王師約年正月進陳國大公主元豐年
黃道封德國大長公主
忠和元祐四

大長帝姬

治平三年十一月十九日徐國公主降王師約皇后及皇子頴王東陽郡王送至第 治平四年二月詔曰朕昔侍先帝恭聞德音以舊制士大夫之子有高帝女者輒皆升行以避舅姑之稱習行既久義甚無謂朕常念此寤寐不平豈可以富貴之故屈人倫長幼之序也宜詔有司革之以厲風俗朕聞諭之始欽仰稱嘆至于再三不幸先帝後嬰疾疾其議中寢朕恭承遺旨敢不遵行可中書門下議降詔有司發揚先帝盛德於是旨遺旨為令自陳國長公主始 十三日詔曰蓋聞聖人制禮造端乎夫婦所以正人倫先王立教莫善於孝悌所

年追封秦國

徽宗追封魏

國大觀六年六

月加封魏國

改魏聖國政

和四年三月改

惠和孝長帝

姬

以厚風俗王姬下降舊典有儀於其舅姑當行盥饋然
歷相沿習為矜式至於亂昭穆之序廢長幼之節是為
作法於涼何以使民興行先皇帝暇日嘗以為言欲申
訓勅俾順旋屬遼豫未皇著于令也未予冲眇祇服休
命德音在耳曷敢昏逾率循太不蓋先志豈曰善繼用
彰我昭考稽古垂憲足以貽謀後世者其體茲旨令有
司按典禮奉行仍令陳國長公主行舅姑之禮王師約
更不申行公主見舅姑之禮自此始也 熙寧四年十
二月五日太常禮院言駙馬都尉王師約等奏自來長
公主凡有表章不稱臣妾質諸典禮慮未允當恭詳男
子婦人凡上所尊稱臣若妾義實相對今宗室伯叔近

親慈皆稱臣即公主自大長公主而下理合稱妾况家人之禮難以施於朝廷請自大長公主而下凡上踐表各據國封並稱妾從之 元豐二年四月二十二日以龍衛廢營地賜衛國長公主地與主第相直也三年五月二十二日詔陳國長公主子王殊王殖轉五資先是車駕幸其第乃是有命 哲宗元祐二年六月九日詔燕國惠和大長公主長男皇城使成州團練使王殊特與免依格試許令朝參 六年閏八月十四日戶部言故魏王位影前媿嬪共二十二人請給自秦國惠和越國荆國大長公主宅例仍舊勘給詔比舊人數減半其秦國惠和越國荆國大長公主宅亦如之若秦國莊孝

秦國獻穆大長公主宅人數請給據見存者給終身俟
及半勿補 紹聖三年六月五日詔公主女之子依舊
條推恩其元祐五年六月八日指揮不得行先是吏部
特推恩格公主女之夫補承奉郎元祐五年六月八日
勅公主女適夫與左班殿直願就文資者授假承奉郎
其已有官人即依舊法至是三省奏以秦國惠和公主
親女永嘉郡主王氏親男初子通乞依格施行而有司
以女之子未敢用特恩格故有是詔 大觀三年六月
十八日制以英宗女魏國大長公主進封韓魏國以襲
居用故事加恩也

魏國大長公主嘉祐八年五月封寶安治平四年正月

進封舒國長公主熙寧二年七月改蜀國降左衛將軍
王詵元豐三年五月薨進封越國賜諡賢惠元祐元年
十一月追封大長公主元符三年三月追封秦國政和
元年三月追封荆國二年閏四月追封魏國四年三月
追封賢惠大長帝姬五年正月改封明惠熙寧二年七
月十二日太常禮院言蜀國長公主出降主婚當具雁
幣玉帛等物自內東門進入中宮當率宮闈掌事者及
外命婦送至第又當行親迎同牢之禮從之二十四日
召輔臣觀蜀國長公主下嫁粧奩於集英殿自是公主
下嫁並宣宰輔觀粧奩 孝友同風越國莊惠長公主
英宗第二女其賢聞天子方崇養慶壽宮雖皇太后至

尊猶為姑婦禮朝夕見奉上甘肥候問寒溫凡仁宗英宗諸女駐車宮東門歲時朔望慶賀兩宮先後少長恭序順與與如也公主長出入帝家於慈仁孝友夙聞習識故不待傳言母教而動止中禮賓重其夫芘其宗族調恤其嫺黨居嫡姑盧氏於其側給致饗膳必先擇珍異者致之盧有疾主日至榻下自和湯劑以進聞者驚歎諸家傳之以為法式

韓魏國大長公主嘉祐八年五月封壽康治平四年五月進封祁國長公主熙寧三年四月改衛國五月降左衛將軍張敦禮元豐八年四月進封冀國大長公主紹聖二年十月改秦國元符三年二月改越國大觀元年

正月改越國大觀元年正月改楚國二月三月改魏國
三年七月進封韓魏國政和三年閏四月特改封賢
德懿行大長帝姬宣和五年三月堯哲宗紹聖元年閏
四月三日三省言冀國大長公主言長男右驎副使
張秉淵欲赴朝奏乞依李端懿恩例特與對改使領詔
張秉淵除右驎副使令赴朝奏免吏部試并短使差遣
為外後紹聖二年十一月二十三日秦國大長公主男賜
名楸亦除莊宅副使 紹聖三年正月二十七日秦國
大長公主女張氏特進建安郡主

舒國大長公主元符三年追封

周國長公主熙寧元年三月封延禧公主元豐元年二

月薨追封燕國元符三年三月追封周國長公主賜謚
淑懷政和四年十二月改封淑懷長帝姬 神宗女燕
國公主仍賜謚未受封者並封小國

全唐文

公主

宋會要

楚國長公主熙寧三年十二月封寶慶公主五年七月
薨追封吳國元符三年三月追封楚國長公主政和四
年十二月改封賢恪長帝姬

唐國長公主熙寧八年十二月封淑壽公主元豐八年
四月進封溫國長公主元祐七年二月進封曹國是月
降左衛將軍韓家彥元符三年改英國崇寧二年五月
改雍國大觀元年正月改越國二年二月改燕國政和
元年十一月薨追封唐國賜諡賢穆四年十二月改封
賢穆長帝姬 元祐四年十二月十八日詔溫國長公

主并皇太妃親屬與五人恩澤五年四月十八日將作
 監言温國長公主第已畫圖進呈並依温國長公主第
 修蓋今踏逐到見住軍頭司及添展龍衛營東壁地步
 可以修蓋其間有侵居民稅業地步乞佑定價錢下戶
 部支還從之 七年二月四日詔温國長公主下降日
 皇太妃率宮闈掌事者送至第外命婦免從二十五日
 曹國長公主下降駙馬都尉韓嘉彦 紹興十年正月
 十二月詔韓恕係唐國大長公主長男昨兩_任知閤門
 事通及十年罷職未曾推恩可特落階官除正任防禦
 使

潭國長公主元豐八年四月封康國長公主紹興四年

二月改定國閏二月降左衛將軍王遇元符三年二月
改韓國崇寧二年五月進封魯國大觀元年正月改陳
國二年二月改鄆國六月薨進封潭國賜諡賢孝政和
四年十二月改封賢孝長帝姬紹聖四年二月十三日
詔康國長公主閏二月二十四日下嫁婉儀宋氏率宮
闈掌事人送至第外命婦免從 鄆國長公主

鄆國長公主元豐八年二月薨追封惠國公主元符三
年二月進封鄆國長公主政和五年改封賢康長帝姬
紹聖八年八月十八日詔故惠國華國公主祔葬畢
於奉先資福禪院依故燕國公主例修影堂屋各十間
每位方二十五步 鄆國長公主 潞國長公主元

豐七年四月薨追封莘國公主元符三年二月追封潞

國長公主政和四年十二月改封賢穆長帝姬 邢國

長公主 邢國長公主元豐七年正月薨追封申國

公主元符三年二月追封邢國長公主政和四年十二

月改封賢令長帝姬 邠國長公主 邠國長公主

元豐八年四月封沂國長公主十月薨追封鄆國

兗國長公主元豐八年四月封嘉國長公主元祐五年

正月薨追封蔡國元符三年二月追封兗國政和四年

十二月改封賢和長帝姬

徐國長公主元豐八年四月封德國長公主元符三年

二月封慶國崇寧二年五月封益國三年十二月降左

哲宗四女

建炎初漢公主
主孫政封吳國
國孝室即位
進封秦國大長公主降興
寧慶海原

衛將軍滿意封冀國大觀元年正月封蜀國二年二月封徐國政和三年閏四月改封柔惠帝姬政和五年十一月薨進封賢靜長帝姬陳國公主紹聖三年五月封德康公主元符三年二月進封榮國大觀二年二月封瀛國四年二月降左衛將軍石端禮封陳國政和三年閏四月改封淑和帝姬政和七年五月薨進封靖懿帝姬高宗建炎元年八月十九日詔靖懿帝姬依舊改封陳國長公主從駙馬都尉石端禮之請也

韓國公主紹聖四年六月封懿康公主元符三年二月進封嘉國大觀二年二月改慶國政和元年二月改韓降左衛將軍滿意正夫三年閏四月改封淑慎帝姬 紹

興二年四月十九日詔吳國長公主所過州縣據所管
的確人數批文驛券其人夫器四等量行應副不得過
有撓擾仍劄與本宅使臣照會不得偽冒支請官物如
違計賊重作施行 六月十七日詔吳國長公主一行
請給依秦魯國大長公主自得指揮施行八月十三日
詔吳國長公主俸米許諸司米內取撥如不足截撥上
供米應副其都尉并一行官屬等請給今所在州軍依
條勘給三年四月二十六日詔今後駙馬都尉不許出
謁及接見賓客 十二月二十一日今後駙馬都尉滿
正夫至所居州軍許與知通州官相見一次 四年四
月五日吳國長公主奏男滿長卿粹卿係武德大夫見

帶送郡欲乞特與除落階官端卿溫卿並係武功郎乞
特與除轉大夫帶行送郡昨遇建炎二年却祀大禮合
奏補親屬白身恩澤欲乞回授與駙馬都尉潘正夫親
弟敦武郎閩門祇候潘堯大於職名上轉行從之 七
月十一日吳國長公主奏與潘正夫兒男骨肉等請給
衣賜生食糧並乞依例施行詔長卿潘特衣粹卿潘支破潘一
分料錢 五年二月二十五日吳國長公主奏有男二
人望依男潘粹潘卿端卿例賜名授官支破請給吳國長
公主二男並依格與補武節郎賜名令中書舍人訓撰
十月十五日吳國長公主奏長男潘長卿次男粹卿
並昨自武節郎特轉武翼大夫送郡刺史有男端卿溫

卿二人各已係大夫乞特依例並與帶行遠郡詔潘端卿溫卿並特除遠郡刺史 七年二月五日吳國長公主奏男武義大夫文州刺史潘溫卿合赴赴朝參乞依男長卿等例除一外任宮觀詔特差立管台州崇道觀三月二十一日吳國長公主乞赴行朝入覲詔聽指揮起廢 紹興七年八月九日吳國長公主乞駙馬都尉潘正夫依石保吉魏咸信柴宗慶等及見今宗室士彙例除開府儀同三司并將見任檢校少保除落檢校二字詔士彙係任宗司十年依故事除開府儀同三司割與本位都監照會自後不得妄有陳請 八年八月十六日上語宰相曰吳國長公主數日前到留宮中三日

為駙馬都尉潘正夫求恩數朕語之云官爵豈可私許
人須與大臣商量況近日多事未暇及此上又曰當此
極暑朕每日着衣服相伴飲食蓋為長生是哲宗之女
朕之姊也趙鼎曰陛下行家人禮於宮中所以待長主
之禮雖盛暑不廢至於官爵則不以私予此帝王之公
也 九月五日^進呈都尉潘正夫乞加恩及援例乞使
相宰執言祖宗封石保吉等使相皆以勲榮顯著非尋
為懿戚之故也正夫何功敢闕為請上曰在朕數睦之
^儀欲峻却既於國體有嫌焉得私當明諭之以絕其辭
十二日詔吳國長公主同駙馬都尉潘正夫將帶一行
見今在外從便居止所至州軍仰守臣常切應副請給

等母今久闕 九年十一月十六日制以檢校少保昭

化軍節度使充醴泉觀使駙馬都尉潘正夫為開府儀

同三司 二十七日詔哲宗皇帝昭慈聖獻皇后止有

孟忠厚潘正夫係近親餘人不得援例以臣僚言近日

戚里除授每加優異往往不用祖宗故事豈以比年以

來外族周疎於是深軫聖慈務極恩意此固陛下睦姻

之厚德也陛下之賜者甚寡而不以為然者天下皆是

此不可不知也前日孟忠厚以郡王出守鎮江今潘正

夫又以駙馬都尉除開府儀同三司是以歷考祖宗朝

駙馬都尉惟石保吉以履歷外任嘗著成效於行營乃

於晚年纔得使相自餘皆無此除如以郡王出守則未

之有也忠厚正夫儻於艱難時嘗有勲勞在人耳目則越常制而寵異之其誰曰不然今徒以存撫之故而廢祖宗之法啓僥倖於後人無怪乎輿論之未孚然開府者既已敷告治廷日傳千里矣分符者又已就郡臣亦嘗以為請蒙陛下為臣道其所以矣臣之區區固知其無及於事然執法臣之職也陛下嘗謂臣祖宗之法不可輒改臣以謂上行法則下知所從上廢法則下亦莫之守矣臣願陛下特降處分孟忠厚潘正夫差除係一時特恩後人不得援例仍有今後授有非祖宗舊制並許給舍堂諫論駁當不憚改如此度幾侍門杜絕而天下皆知陛下如天之無心也故有是命 十二年六月

十一日詔差潘温卿往婺州傳宣撫問吳國長公主并
賜銀合茶藥可依差錢恤例立定畫一指揮施行 八
月二日吳國長公主奏伏聞皇太后還闕有期乞同潘
正夫兒女官吏等詣行在入覲并前去迎接從之 十
五年三月十七日詔右武大夫成州團練使帶御器械
潘温卿特授貴州防禦使以用母吳國長公主合得白
身親屬恩澤陳乞也 十七年十月十六日吳國長公
主奏男舒州觀察使帶禦器械潘温卿昨幹辦皇城司
六年任滿并該遇親從揀配諸班直了當依條特轉兩
官許令回授本家未有合回授之人欲望將温卿兩官
恩例許於見今官上轉行一官詔潘温卿可特授武寧

軍承宣使 十九年八月二十一日吳國長公主入覲

為男潘長卿

粹卿

乞推恩詔潘長卿特授泉州觀

察使

粹卿

觀察使

二十二年十月二十六日詔

右通直郎新添差權通判嚴州鄭珙特除直祕閣閣門

宣贊舍人潘堯夫特轉右武郎珙係吳國長公主長女

之夫堯夫長子駙馬都尉正夫之弟皆以累徙長主入

覲主為之請故有是命 二十三年六月八日吏部言

吳國長公主奏有男合賜名授官女二人合封郡主並

支破請給詔依例施行照例係合中書舍人訓撰名訖

依格合補武節郎合命詞給告從之 二十七年十一

月二十四日詔吳國長公主長女夫右奉議郎直祕閣

前添差婺州通判鄭珙轉兩官添差兩浙東路安撫司
參議官指揮更不施行以給事中賀允中奏伏覩吳國
長公主劄子乞長女夫鄭珙轉行兩官特與陞擢詔從
其請臣竊詳所奏即非用本家合得恩例陳乞却劄自
擬定官職仍乞特與行下顯是過有僥求未合公議昔
漢館陶公主為子求郎明帝止賜之金而不從所求蓋
自古帝王謹惜名器皆如是也今吳國有請若從其自
先指定特與之則予奪輕重不出於陛下而此例一開
其將何以禁塞望追還已降指揮以稱陛下力行公道
之意上曰命下逾兩旬已被受差遣勅乃始封駁轉官
詞頭恐非故事可諭與令書讀進臣退召賀允中到堂

面諭聖旨既而中執所見不欲中易翌日再進呈上曰
雖稍後時所論極有理蓋慮後來後例者衆當由從之
宰臣沈該等奏曰諫行言聽使言者得以自安此盛德
事也當再諭允中以陛下虛懷納諫之意 二十八年
正月二十八日吏部言吳國長公主孫滿昌銜昌佐昌
輔昌朝依秦魯國大長公主孫錢端英等并孫昌期昌
齡等體例並與補授文資本部契勘昨秦魯國大長公
主孫孫錢端英等并吳國長公主孫滿昌期等補官體
例係是先次依格補授從義郎後來與依格換授文資
今欲依此施行從之 七月九日詔寧江軍承宣使提
舉台州崇道觀潘長鄉昭信軍承宣使提舉江州太平

興國宮滿端卿舒州團練使提舉台州崇道觀滿清卿
建寧軍承宣使特差兩浙東路馬步軍副都總管婺州
駐劄滿粹卿並令任滿日各與再任所有長卿粹卿清
卿並溫卿各身分并元隨人請受並與依已降指揮依
見今已請則例支破從吳國長公主請也 二十九年
四月二十九日詔吳國長公主男賜名振卿與依格補
官 六月十七日詔吳國長公主生日合得度牒紫衣
各一十五道依例係折銀三百兩令戶部支三十年三
月七日吳國長公主乞女夫鄭珙見添差兩浙東路安
撫司參議官男滿卿見任在京宮觀端卿清卿各在外
宮觀粹卿添差兩浙東路馬步軍副都總管婺州駐劄

欲後令任滿日各特與再任粹卿身分請受與依已降
指揮於上供經制錢物內支給從之 十月二十八日
與寧軍承宣使駙馬都尉曾寅母普寧郡太夫人郭氏
陳乞孫女夫敦武郎徐公選添差差遣詔令吏部添差
合入差遣一次 三十二年五月二十八日御藥院言
吳國長公主生日合取賜酒壹拾碩係下駐蹕州軍應
副詔令臨安府依數支供 紹興三十二年孝宗即位
未改元八月二十六日詔吳國長公主進封大長公主
有司擇日備禮冊命大長公主言冊命乞賜履罷詔同
朕誦周詩唐之華郵漢室沁園之制維時懿主鍾慶泰
陵屬紹服之云初豈推尊之可後爰布集優之澤亟加

大長之名諷辰將御於祈朝備物中頒於漢冊遠觀需
贖祈寢祿儀勉狗謙冲良深嘉歎所請宜允 二十八
日詔秦國大長公主女夫右承議郎直祕閣鄭瑛特添
差兩浙東路安撫司參議官長孫右通直郎潘昌期添
差通判嚴州並從大長公主所請也 隆興二年九月
二十七日詔故秦國大長公主孫潘昌光昌輝昌簡昌
錡並特授右宣義郎曾孫志恕並特授右承奉郎大長
公主遺表來上從其請也

嘉德公主建中靖國元年六月封德慶
公主大觀三年二月改封嘉德政和三年閏四月改封
帝姬五年四月改封嘉德五月五日降左衛將軍曹黃
徽宗崇寧元年八月五日詔榮國^德嘉國^德二公主康給
等並特加倍 政和五年五月一日尚書省言嘉德帝
姬下降乞升厭翟車惟於儀仗內除去四望金根車外
餘用皇后儀仗人數三分之二以應帝姬下皇后一等
之義仍來擔子至承天門外升車並從之 五日嘉德
帝姬下嫁曹黃詔用嘉禮新儀行盥饋之禮皇后率宮
闈送至第外命婦免從先是上命議五禮新儀既詔皇

重嘉禮已候

太子行冠禮。至是復命帝姬行婚禮。車服桀然。中外稱
慶。其儀制並詳見嘉禮門。六年二月二十六日手詔
朕荷天右。序男女。僅五十人。以次成立。建第築館。指日
有期。而京師民庶。櫛比無地。可容深虞。移徙居民。使久
安之。衆遽棄舊業。可令有司度國之南。展築京城。移置
官司。軍營。將來繕脩。諸王外第。與帝姬下降。並不得起
移居民。紹興五年三月十二日樞密院奏。興化軍承
宣使駙馬都尉致仕曹煥。母普寧郡太夫人郭氏。狀乞
將男曹寅。昨轉蔡州觀察使。合得依條恩例。回授親姪
脩武郎郭珙。差幹轄一次。詔特差權發遣福建路兵馬
都監泉州駐劄。榮德公主。榮德公主建中靖國

乾道七年九
月十二日詔嘉
德公主長女徐
公選差主官
台州宗道觀

元年十一月封永慶公主大觀二年二月改封榮福政
和三年閏四月改封帝姬政和六年二月改封榮德三
月三日降左衛將軍曹晟 益國公主 益國公主
崇寧二年三月封順慶公主四年三月薨追封益國
政四年十二月改封順淑帝姬 密德公主 安德
公主崇寧二年三月封淑慶公主大觀二年二月改封
安福政和三年閏四月改封帝姬七年六月改封安德
十六日降左衛將軍宋邦光 茂德公主 茂德公
主崇寧二年三月封延慶公主大觀二年二月改封帝
姬重和元年十一月改封茂德十八日降宣和殿待制
蔡肇 十一月十七日太師蔡京言今月十八日茂德

帝姬下降依新儀見舅姑行盥饋之禮乞賜寢罷詔荅曰朕以禮貌師臣眷遇元老特遣稚女使聯姻媿而秉衆之體蘋蘩之奉蓋治平熙寧已行之舊是遵祖考彝憲及有諸姬近例迺亦報施尚齒貴老盛事可嘉卿何辭焉况五禮新儀初頒天下法行自近始卿當勉此以風天下所乞宜不允 十八日茂德帝姬下嫁蔡絳淑妃劉氏率宮闈掌事人送至第 二十九日手詔神考治平間親灑宸翰洎降詔旨以玉姬下降躬行舅姑禮革去歷代沿習之弊以成婦道以風天下貽謀後世甚盛之舉也於是崇寧大觀以來詔有司講求典禮繼頒五禮新儀著為永法通行天下近聞自降詔以來前後

帝姬下降雖有奉行新儀之名元無實迹兼舅姑亦不
端坐及聞反有下拜之禮其失祖考本意兼所降新儀
殆成虛文可自今後帝姬下降仰恪遵新儀並服綸服
花釵冠升車並見舅姑若帝姬沿習不肯設拜只責管
幹官司女相贊者及內謁者如違以違御筆論仍聞帝
姬都尉合髻所服不經別無稽擬亦令禮制局討論以
聞 宣和三年六月十七日御筆處分數內一項皇子
帝姬閣推恩合係授官頭髻留髮裹頭出閣五次帝姬
係上頭下降詔皇子係授官裹頭出閣三次帝姬係上
頭下降兩次令推恩外餘並止絕 宣和四年十一月
五日詔茂德帝姬長男恭愉依例合奏補武節郎可特

與文資內安排補授通直郎 豫國公

主崇寧三年五月封壽慶公主五年正月薨追封豫國

政和四年十二月改封壽淑帝姬 鄧國公主 鄧

國公主崇寧四年六月封惠慶公主十月薨追封鄧國

政和四年十二月改封惠淑帝姬 蜀國公主 蜀

國公主崇寧四年七月封安慶公主大觀二年二月改

封隆福三年五月薨追封蜀國政和四年十二月改封

安淑帝姬 崇德 崇寧 崇德公主崇寧四年十月

封和慶公主大觀二年二月改封崇福政和三年閏四

月改封帝姬宣和元年九月降左衛將軍曹湜二年五

月封崇德三年九月薨 二十一日車駕幸崇德帝姬

宅洗英 商國公主

商國公主 崇寧五年十一月

封康慶公主 大觀二年二月 改封承福 二年二月 薨 追封商國 政和四年十二月 改封康淑 帝姬 蔡國公主

蔡國公主 大觀元年五月 封榮慶公主 二年二月

改封懿福 四年十一月 薨 追封蔡國 政和四年十二月 改封榮淑 帝姬 魯國公主 魯國公主 大觀元年

七月 封保慶公主 閏十月 薨 追封魯國 政和四年十二

月 改封保淑 帝姬 成德公主 大觀二年五月 封昌福

公主 政和三年 閏四月 改封帝姬 宣和五年六月 改封

成德 洵德公主 大觀三年七月 封衍福 公主 政和三

年 閏四月 改封帝姬 宣和六年十月 改封洵德 悼穆

公主 悼穆公主 大觀四年正月封徽福公主 政和

三年閏四月改封帝姬 政和七年十月薨 追封悼穆

顯德公主 顯德帝姬 初封顯德公主 改號帝姬 尋

改封顯德 下嫁劉文彥 顯德公主 大觀四年七月封顯

福公主 政和二年閏四月改封帝姬 宣和七年八月改

封顯德 下嫁文彥 華國公主 華國公主 大觀四年十一月

封熙福公主 政和二年四月薨 追封華國 四年十一月

改封熙淑帝姬 涇國公主 涇國公主 政和元年

三月封壽福公主 二年三月薨 追封涇國 四年十二月

改封敦淑帝姬 順德公主 政和元年三月封順福公

主 三年閏四月改封帝姬 靖康元年七月改封順德以

將下降向于辰故也 柔福公主 柔福公主政和

三年四月封柔福公主閏七月改封帝姬 冲憲公主

冲憲公主政和三年七月封申福帝姬四年二月薨

追封冲憲 寧福公主 寧福公主政和四年正月

封寧福帝姬 莊懿公主 莊懿公主政和四年二

月封保福帝姬十一月薨追封莊懿 冲懿公主政和

五年九月封賢福帝姬六年十一月薨追封冲懿 順

穆公主政和六年九月封仁福帝姬八年八月薨追封

順穆 和福公主 和福公主政和七年二月封和

福帝姬 永福公主 永福公主重和元年十一月

封永福帝姬 惠福公主 惠福公主重和二年正

孝宗女
嘉國公主

月封惠福帝姬 令福公主
九月封令福帝姬 華福公主
年十一月封華福帝姬 慶福公主
和三年十一月封慶福帝姬 儀福公主
主宣和六年十一月封儀福帝姬 純福公主
福公主宣和七年十月封純福帝姬 隋國公主宣和
元年七月封恭福帝姬建炎三年薨封隋國

皇長女永嘉郡主贈嘉國公主 七年九月十二日詔
嘉德公主長女夫武節郎徐公選差主管台州崇道觀

乾道二年十月十四日詔

宋會要

卷五

淳熙十六年二月四日登極故應宗女宗婦見八道或
為尼願歸家者聽元有官封者依舊 紹熙二年十一
月二十七日郊祀赦行在及紹興府見請孤遺錢米宗
女宗婦算其間有未曾引赦添支錢米可比附兩外可
孤遺禮例籍定名字將十五歲以上並依前赦例添支
十四歲以下減半添給 五年正月一日慶壽赦宗子
宗婦宗女年八十以上令大宗正司保明奏聞與轉官
加封未有官封者特與官封 以上光宗會要 紹熙五年九月
十四日明堂故應宗婦宗女因事令入道尼如後來能
自循省仰大宗正司保明特與放令自便不願者聽 自便

昭堂郊慶元四年四月五日詔今後宗女因疾領給度

牒者今禮部先次從實書填訖方得給付以中書門下

省言宗女有疾願出家者得指揮給降度牒止令自行

承受近來多有巧作名色意在轉賣故有是詔 開禧

元年九月十一日南外宗正司言泉州宗婦李氏梁病

有親生第三女趙氏為見病勢危為割股飼母當時痊

愈本司自建炎年間移司泉州今七十餘年宗室之家

如趙氏者天資純孝不受其身割股救母於垂死之際

效驗昭然誠為罕見恭覲主上以孝理天下遂改在遠

宗女觀感動化有如此者不敢隱然乞優加旌賞仍乞

宣付史館不惟使宗女知勸亦足以俾天下凡為人子

者所有激勅從之三年五月十四日又言商王宮宗子
汝拜染患為篤女年一十六歲割股救父當時痊癒其
能體善行孝皆聖朝廣睦族之愛推錫類之仁凡象褒
旌悉起敬慕乞優加旌賞俾知激勅宣付史館

以上
寧宗

全唐文

宋會要

附馬

附馬都尉雜錄太祖開寶三年六月五日
以忠武軍節度使同中書門下平章事王審琦子內殿
供奉官都知承衍為左衛將軍駙馬都尉選尚昭慶公
主五年閏二月四日以故鎮安軍節度使中書令石
守信子鄆州牙內指揮使保吉為左衛將軍駙馬都尉

選尚延慶公主賜襲衣玉帶塗金鞍勒馬自是尚主者
賜率如例後又加賜絨毛暖座 七月十三日以尚書
右僕射王仁浦子東頭供奉官咸信為右衛將軍都尉
都尉選尚承慶公主 太宗太平興國元年八月十一
日以故永興節度使吳延祚次子元辰為右衛將軍都
馬都尉選尚蔡國公主 雍熙三年十二月十三日以
彰國節度使都尉馬都尉王承衍知大名府威塞軍節度
使都尉馬都尉石保吉知孟州慎州觀察使都尉馬都尉魏
咸信知澶州愛州團練使都尉馬都尉吳元辰知鄆州命
開封尹陳王元僖餞承僖等於城北園淳化二年二月
十四日鄆州觀察使都尉馬都尉吳元辰上言避所賜魏

國公主第願盡解所居官歸守先人舊廬優詔不允

真宗咸平三年六月十九日以鎮寧軍節度使柴禹鎮

錫孫鎮寧軍都指揮使宗慶為左衛將軍駙馬都尉選

尚魯國長公主宗慶禹錫之孫太子中舍宗亮之子及

尚主令稱禹錫子六年正月十一日以故太師王溥

子貽永

下字本音同仁宗朝諱後改貽清再改貽永

為右衛將軍駙馬都尉

選尚懿賢長公主貽永以祖為父如柴宗慶例景德

元年四月三日懿賢長公主薨既葬王貽永三上表乞

守塋域真宗不許時貽永在公主喪式假有是請帝尉

諭之令赴朝參二年十二月六日命柴宗慶王貽永

同於內殿別班起居大中祥符元年十一月二十七

日以故千牛衛上將軍李崇矩子遵勗為左龍武將軍
射馬都尉選尚萬壽長公主遵勗以祖為父如王貽
永例址十二月二十三日有司上言柴宗慶遇慶恩移
郡不以便殿告謝請以違制論詔罰兩月俸二年六
月七日以左龍武將軍李遵勗領澄州刺史時遵勗以
疾在假真宗謂王旦等曰朕遣人視其疾狀甚危且柴
宗慶列環衛不久為刺史遵勗亦當校月日以聞旦等
言宗慶守授將軍始七月遇郊祀恩遂領刺史遵勗未
遇恩然至今亦七月遂命領郡四月九日左龍武將軍
澄州刺史射馬都尉李遵勗責授均州團練副使坐私
主之乳母初帝以使臣所取遵勗狀示宰相王旦等曰

遵勗先曾請對意在歸過於人矯誣如此緣已經赦宥
姑務恩貸及有彰露止令詢其端由而畧無畏忌朕以
長公主為性至善未嘗言其失不欲深行恐傷其意於
是中書樞密院同奏議正朝典故有是命 十一月二
十四日封柴宗慶母穆氏為河南郡君宗慶以母為嫂
故不得郡封而衛國長公主累請故持封之 五年六
月十三日柴宗慶言自陝西市木至京望蠲免稅筭帝
曰先朝王承衍市木販易規利當時興訟不已農者曾
諭宗慶無得遣人市易何故復有此奏即諭樞密院召
宗慶責之宗慶謝罪奏云年老事多偶成廢忘特詔戒
約之帝因謂宰相曰衛國長公主近請市所居北鄰張

氏舍以廣其居張氏即宗室婿朕語之如立券出賣則
可也及詢張氏且云仰餽錢朕戒令不得強市止賜錢
二百萬聽他處營置十月六日河東路提點刑獄司柴
宗慶遣人私於買馬州郡市馬十九匹不納商稅詔捕
劾以聞六年三月九日衛國長公主宅內知客趙惟
永宣補右班殿直主奏留在宅勾當帝曰廷臣豈可更
留令樞密院召柴宗慶諭之仁宗天聖元年十二月
十七日詔駙馬都尉等自今不得與清要權勢官私第往還
如有公事即赴中書樞密院啓白仍令御史臺常切覺
察如有違犯糾舉以聞四年正月二十七日柴宗慶
陳乞使相宰臣王曾等奏曰將相之任非可陳乞只如

先朝石保吉等俱曾履外任行營差遣前後頗著誠効
晚年方與使相帝令召至臣中書誠諭慶厯四年四

月三日令入內侍省劉從愿與三司勾當公事陳宗

古檢點柴宗慶家財現數約度支給外官為檢校以宗

慶二女尚幼也七年五月三日以彰信軍節度使兼

侍中李用子東頭供奉官瑋為左衛將軍駙馬都尉選

尚福康公主用和章懿太后弟公主上之愛女以太后

故詔瑋選尚嘉祐二年七月五日濮州練國使駙馬

都尉李瑋言特賜塗金鞍絨毛暖座及玉帶等今出降

有日欲乞依例乘服趨朝詔可八月四日燕國公主

出降翼日李瑋入謝宴於禁中五年九月十四日降

駙馬都尉安州管内觀察使李瑋為和州防禦使仍與
外任差遣瑋所生母忤公主公主夜開皇城門入禁中
瑋上表自劾故責之及亦六年十一月一日駙馬都尉
李瑋言奉詔舉官為將領而臣家有賓客之禁無由
與士人相親聞柴宗慶當時得與禁近往還臣請如宗
慶等例詔具凡所接賓客以聞 七年二月二十五日
李瑋出知衛州詔充國公主入內三月四日降瑋為建
州管内觀察使落駙馬都尉以與主不相諧也 十一
月三日瑋改安州觀察使復駙馬都尉主復還第 英
宗治平三年五月十九日以屯田員外郎王克臣子孝
莊為左屯衛大將軍駙馬都尉賜名師約選尚德寧公

主初英宗數稱唐公主下嫁多名人及是得師約故駙
馬都尉承衍曾孫而父子皆業進士令至宰相第試以
詩而以其所業賦一編以進御至召見清居殿又諭以
無廢學後又出經籍及紙筆硯賜之以上國朝會要

神宗熙寧元年四月十九日李瑋請以兄奉寧節度使

瑋第十一子偓為嗣詔以為供備庫副使賜名嗣徽

二年六月七日以武勝軍節度觀察留後侍衛親軍馬軍副

都指揮使王愷孫右侍禁誥為左衛將軍駙馬都尉選

尚舒國長公主十一月十五日以故屯田郎中張宗

雅子丕為左衛將軍駙馬都尉賜名敦禮選尚祁國長

公主三年正月九日楚國大長公主薨上幸其第召

輔臣入慟哭論以主久疾而瑋奉主無狀即日責授瑋
為郴州團練使駙馬都尉陳州安置 八年五月十二
日詔駙馬都尉今後轉官及七年取旨 九月十一日
詔大長公主當出降今內外兩制以下及監司體訪世
族子弟有性氣溫良儀狀秀整可備選尚者令乘馬赴
闕 十二月十六日以崇信軍節度使錢惟寅孫景臻
為左軍衛大將軍駙馬都尉選尚許國大長公主侍衛
親軍馬軍都指揮使定國軍觀察留後曹琮孫詩為左
領軍衛大將軍駙馬都尉選尚邠國大長公主 國朝
駙馬都尉未有除大將軍者以景臻等選尚大長公主
故優命之 九年三月二十六日以左領軍衛大將軍

都尉馬都尉錢景臻為秀州團練使以韓國大長公主主
嫁推恩也 十二月十七日以右領軍衛大將軍駙馬
都尉曹詩為成國練使以手詔魯國大長公主已有日
歸館其駙馬都尉照例改官故有是命 元豐元年三
月九日詔樞密院大長公主大禮奏薦夫之期親與判
司簿尉以樞密院奏韓國大長公主奏駙馬都尉錢景
臻兄景素等恩澤與中書不同也 二年二月五日詔
韓國大長公主姑少府監錢暄妻同安郡君胡氏可特
進封永嘉郡夫人 十二月二十六日詔絳州團練使
駙馬都尉王詵追兩官勒停以詵交結蘇試及攜妾出
城與試宴飲也 三年四月十八日詔前絳州團練使

駙馬都尉王詵可特授慶州刺史許赴朝叅以長公主
故叙詵官以慰其心 七月十六日責駙馬都尉王詵
為昭化軍節度行軍司馬均州安置手詔王詵內則朋
淫縱欲無厭行外則狎邪罔上不忠繇是長公憤愧成疾
終至彌篤皇太后聖衷哀念累月罕御玉食撫詵之辜
義不得赦 十二月二十七日駙馬都尉王師約等皇
祐一司勅駙馬都尉不與清宴權勢官私第往還臣等
凡遇垂拱殿起居即與修起居注等同閣子雖非私第
亦慮非便欲望以使相閣子二間為臣等侍班處從之
四年二月六日詔光州防禦使駙馬都尉曹詩所生
母杜氏特封安康郡太君 五年三月五日以贈司徒

徒郭崇仁曾孫獻卿為左領軍衛大將軍選尚冀國大
長公主 六年正月二十一日駙馬都尉張敦禮以男
秉淵選尚第六公主進封辭免帝曰秉淵有可稱採盡
出公議不但以長公主之故可更令進學已有成命勿
復辭也 次年公主薨不及成禮 三月八日詔自今
駙馬都尉及七年令尚書吏磨勘更不取旨 五月二
十一日詔國子監於外舍選年四十以上素有行義學
生為郭獻卿宅門客以國子監奏內舍未有年及四十
者 閏六月十九日三省奏今後大長公主長公主公
主下降駙馬都尉骨肉恩例令尚書省立法從之以郭
獻卿選尚冀國大長公主其父乞恩例故也 十月十

六日中書省奏駙馬都尉曹詩乞以南郊合得骨肉恩
澤一名與門客李漢臣理選一官詔特與郊社齋郎後
詔吏部毋得為例 十二月二十四日詔光州防禦使

駙馬都尉曹詩責授右屯衛將軍落駙馬都尉令家居
省過手詔詩不能仰稱朝廷選尚爵命恩德數以悻薄
不謹况撓魯國大長公主致撓快成疾又不以時奏請
醫療治終於沉痾不起故有是命 七年二月十六日
尚書刑部奏責授昭化行軍司馬均州安置王詵已經
三年再遇大禮赦合依先降指揮取旨詔王詵特與諸
衛將軍頴州安置 十月三日駙馬都尉錢景臻封因
謝父暄除寶文閣待制帝曰暄治郡有聲朝庭自以才

用又謝子忱賜名帝曰公主曠宜有子也其勉以賢學

八年四月二十三日駙馬都尉王師約奏燕國大長

公主薨太常^寺闕本服齊哀杖期給假三十日臣忝冒

寵祿悉緣選尚乞令有司別議特乞假一年五月六

日詔右監門衛將軍潁州安置王詵免安置^以有司檢

舉累經赦宥故也七月十四日駙馬都尉王師約言

蒙給假一年今未特授鎮安軍節度留後乞入謝畢然

在假從之仍給俸哲宗元祐元年二月十六日詔宣

州防禦使駙馬都尉張敦禮為密州觀察使以三省言

自來駙馬都尉選尚公主長公主並除小將軍下降日

除刺史選尚大長公即除大將軍下降日除團練使敦

禮元選祁國長公主今已進冀國大長公主故有是命
三年三月九日駙馬都尉王師約奏臣父現知鄭州
欲乞御前後殿不坐日每次給假一日前去省親仍免
辭見過三日即依自来體例朝見若非次出駕立班之
類並乞下閣門照會免赴從之 四年七月十二日詔
以故司徒兼侍中韓琦男宣義郎嘉彥除左衛將軍駙
馬都尉選尚溫國長公主時嘉彥兄忠彥為尚書左丞
以嘉彥選尚為嫌乞罷不許再表懇請詔不允 六年
九月二十六日駙馬都尉錢景臻以母喪辭起復再請
乃許 元符元年八月郭猷卿以母喪起復亦三上表
辭從之 十月十二日右朝奉郎韓端彥言弟嘉彥尚

溫國長公主下降有期私家進財支費甚多欲以相州田業契書於在京四抵當所各贖錢二千五百緡依例出息詔於抵當所特貸錢萬緡仍限五年還納其後韓端考援元豐中郭猷御例乞除放所貸錢從之 十二月十七日駙馬都尉韓嘉考言溫國長公主下降有日臣家世以儒進乞換一近下文資不報 嘉考引晉唐選尚公主參用文士及英宗皇帝出嫁皇女訪求儒門為言其後紹聖間復申前請不報 九年正月十二日詔文州刺史駙馬都尉韓嘉考於長公主有虧禮不遜擅宿私家特降兩官差知黃州是日又命勘會駙馬都尉李瑋如曾安置即嘉考可降兩官蘄州安置中書新

州犯嘉考父嫌名十三日詔嘉考降左衛將軍依前駙
馬都尉分司南京黃州居住仍差御史郭知章押嘉考
即日出門時忠考引咎乞罷賜詔不允 紹聖元年十
月一日詔嘉考赴闕十六日落分司令赴朝參 三年
十二月二十六日以通直郎王師占男誥為左衛將軍
駙馬都尉遜尚康國長公主 閏九月六日駙馬都尉王誥
特罰銅三十斤以誥隱匿婦人劉氏教令寫文字及虛
作逃走跡狀自首不實侍御史石豫言誥自恃豪貴抑
勒僱人不畏公法故有是詔 係元符二年誤編于此
四年八月三日詔降授左衛將軍駙馬都尉韓嘉考可
特授持節文州諸軍事文州刺史 元符元年十月二

十九日詔武勝軍節度觀察留後駙馬都尉張敦禮降授左千牛衛將軍特免安置仍勒住朝參以三省言敦禮元祐間上書言退宰臣蔡確進司馬光為上相等事故有是命 二年十二月二十四日三省戶部言駙馬都尉王昨以進財借四抵當所錢五千貫限二年半還納又於宮後門庫借錢三千貫限五年還納今乞每月尅料錢一百貫詔特與除放 三年八月九日保平軍節度觀察留後駙馬都尉王師約可特授依前官駙馬都尉充樞密院都承旨 徽宗建中靖國元年二月二十三日錢忱特授西上閤門使以燕國大長公主托體仁宗故褒其後也 崇寧元年七月十三日戶部言駙

馬都尉曹詩乞於合破公使錢內先借支二萬貫辦大
長公主影前供物詔禮部給空名度牒一百道 二年
七月二十三日手詔朕觀前世外戚擅事終禍亂天下
唯我祖考創業垂統承平百有餘年外戚之家未嘗預
政厥有典則以貽子孫即政之初以駙馬都尉韓嘉兄
忠考為門下侍郎繼除宰相方朕恭默弗敢有言給事
中劉拯抗疏論駁亦不果聽上違祖考成憲下虞前世
禍亂之失其自今勿復援忠彥例以戚里家屬為三省
執政官世世守之著為甲令 三年九月十八日以供
備庫潘孝嚴男意為左衛將軍駙馬都尉選尚益國長
公主二十三日管勾益國長公二十三日出降所狀勘

大赦可以叙復續詔曾湜免安令置居賜第 六年三
月四日制以檢校少傅安武軍節度使開府儀同三司
佑神觀使駙馬都尉錢景臻為少師進封康國公 四
月十七日詔通議大夫保和殿待制駙馬都尉提舉上
清寶籙宮蔡絳自除侍從選尚已六年可特與除保和
殿直學士 靖康元年二月二十九日詔保和殿直學
士駙馬都尉蔡絳換深州防禦使用侍御史孫觀奏也
七月二十一日詔蔡絳勒停以上續國朝會要 紹興三
年十二月二十四日詔今後駙馬都尉潘正夫至所居
州軍許與知通州官相見一次以上國朝會要

宋會要

進馬

太祖建隆四年六月詔尚書兵部每年所補千牛進馬自今左右仗千牛每仗各減兩員其應補人並須年齒合格試念書精熟如經覆試引念不合元勅其本司官員並須貶降乾德二年九月周易博士奚嶼坐校試所補進馬不實責授乾州司戶參軍庫部員外郎王貽孫責授左贊善大夫翰林學士承旨禮部尚書陶穀奪兩月俸舊制臺省六品諸司五品以上官皆得蔭補歲令兵部禮部試念書精熟者中選至是穀子穀求補殿中省進馬而所試未精嶼受穀私禱以合格聞事發按之以嶼受請求而貽孫不之覺故並黜之